



Broj: 01- 22/12
Vareš, 30.01. 2012. godine

Na osnovu člana 1. Zakona o dopunama Zakona o koncesijama(Sl. novine FBiH br.40/02 i 61/06) i članova 8. i 56. Zakona o principima lokalne samouprave(Sl. novine FBiH br. 49/06) člana 95. Statuta općine Vareš, broj: 01-25/09 od 29.01.2009. godine, a u vezi sa članom 100. Poslovnika o radu Općinskog vijeća Vareš(prečišćeni tekst) br.01-109/09 od 29.04.2009. godine, a postupajući po zahtjevu Ministarstva za privredu/gospodarstvo Zeničko-dobojskog kantona br. 04-18-3927-2-1/11 od 27.10.2011. godine, Općinsko vijeće Vareš, na 35. sjednici održanoj 30.01. 2012. godine, d o n o s i

Z A K L J U Č A K

I

Daje se saglasnost za dodjelu koncesije za istraživanje i eventualnu eksploataciju mineralnog resursa-krečnjaka na lokalitetu „Očevje“, općina Vareš.

Predmetni lokalitet je definisan kordinatama prelomnih tačaka:

tačka	X	Y
I	4 889 580	6 541 510
II	4 889 720	6 541 400
III	4 889 520	6 541 510
IV	4 889 520	6 541 460
V	4 889 580	6 541 510

II

Stanje i status zemljišta(istražno-eksploataciono polje) je sljedeće:

- prema zemljišno knjižnom izvadku zemljište se vodi kao šuma Zvijezda, vlasništvo opštenarodna imovina, a u katastru se kao kultura vodi šuma Osinjača posjednik D.S.Šipad Romanija OOUR Šumarstvo Olovo(pravni sljednik JP ŠPD Zavidovići).

-predmetna lokacija se nalazi van predviđenog urbanog područja i nije posebno rezervisana za određenu namjenu te se uklapa u prostorni plan Općine, te sa aspekta prostorno planske dokumentacije nema smetnji za dodjelu koncesije.

-na predmetnoj lokaciji i u neposrednoj blizini nema objekata historijskog i kulturnog nasljeđa.

-na predmetnoj lokaciji i neposrednoj blizini ne postoje izvorišta koja se koriste ili se planiraju koristiti te sa aspekta sanitarne zaštite izvorišta nema smetnji za predmetni lokalitet.

-na predmetnoj lokaciji ne postoji niti se planira gradnja vodoprivrednih objekata za snabdijevanje naselja vodom.

III

U svim aktivnostima dodjele koncesije i izrade koncesionog ugovora aktivno će biti uključena lokalna zajednica, a sve u skladu sa članom 56. Zakona o principima lokalne samouprave.

IV

Koncesionar, koji u postupku javnog prikupljanja ponuda bude izabran kao najpovoljniji, obavezan je zaposliti minimalno 10 radnika sa lokalnog područja općine Vareš.

V

Koncesionar, koji u postupku javnog prikupljanja ponuda bude izabran kao najpovoljniji, obavezan je prikupiti sve potrebne saglasnosti i dozvola prije potpisivanja koncesionog ugovora.

VI

Zaključak se dostavlja Ministarstva za privredu/gospodarstvo Zeničko-dobojskog kantona na daljnje postupanje.

VII

Ovaj Zaključak stupa na snagu danom donošenja.

**PREDSJEDAVAJUĆI
OPĆINSKOG VIJEĆA**

Josip Malbašić

OBRAZLOŽENJE ZAKLJUČKA

o davanju saglasnost za dodjelu koncesije za istraživanje i eventualnu eksploataciju mineralnog resursa-krečnjaka na lokalitetu „Očevje“, općina Vareš.

Na osnovu člana 1. Zakona o dopunama zakona o koncesijama(Sl. novine FBiH br. 61/06) i članova 8. i 56. Zakona o principima lokalne samouprave(Sl. novine FBiH br. 49/06), Općinsko vijeće ima nadležnost da vrši politiku upravljanja prirodnim resursima i raspodjelu sredstava ostvarenih na osnovu njihovog korištenja na teritoriju koji je definisan općinskim granicama.

Ministarstvo za privredu/gospodarstvo Zeničko-dobojskog kantona je uputilo dopis br. 04-18-3927-2-1/11 od 27.10.2011. godine, 05-25-6158-2/09 od 23.03.2010. godine na Općinsko vijeće i Općinskog načelnika u kojem se traži saglasnost za dodjelu koncesije na istraživanje i eventualnu eksploataciju mineralnog resursa-krečnjaka na lokalitetu „Očevje“,općina Vareš na osnovu samoinicijativne ponude firme „Marmeks“d.o.o.Sarajevo.

Uz dopis je dostavljena studija o ekonomskoj opravdanosti dodjele koncesije lokalitetu „Očevje“,općina Vareš iz koje Vam prezentujemo značajnije pokazatelje.

Mineralni resurs bi se koristio kao ukrasni kamen za oblaganje stambenih objekata(oko 60%) i ostalo kao drobljeni kamen.

Ležište se nalazi nedaleko od mjesta Donje Očevlje, pored puta Očevija-Križevići u blizini granice sa općinom Olovom i obraslo je sitnim šumskim rastinjem.Prema procjeni u ležištu postoji 100.000 m3 rezervi krečnjaka i pod pretpostavkom eksploatacije 5.000 m3 godišnje, planirani vijek trajanja eksploatacije je minimum 20 godina s tim da se očekuje, kroz sistem istraživanja na susjednim parcelama, poveća vrijeme eksploatacije. Dobra strana lokacije je što ima pogodne saobraćajne veze,što je nanaseljen ,te što je vezan asfaltnim putem za magistralni put Olovo-Sarajevo.

Eksploatacijom značajnih količina ukrasnog kamena bi općina Vareš u cjelini dobila respektabilan privredni subjekt koji bi zaposlio 10 novih radnika i ostvario zapaženu finansijsku dobit.

Finansijska sredstva koja bi se izdvajala kroz koncesionu naknadu bila bi značajan element stabilizacije budžeta Općine a slijedilo bi i adaptiranje i izgradnja lokalnih saobraćajnica kojima bi se transportovao mineralni resurs,upošljavanje lokalnih prevozničkih firmi,upošljavanje lokalnog stanovništva okolnih mjesnih zajednica itd...

Osnovna djelatnost društva „Marmex“ d.o.o. Sarajevo je sjećenje,oblikovanje i obrada ukrasnog kamena za spomenike i građevinske objekte, iako u svojoj registraciji ima i vađenje mineralnih sirovina,krečnjaka i dr.

Prema specifičnosti lokaliteta može se reći da postoje dobre predispozicije za realizaciju ovoga projekta ,jer samo ležište nema jalovine,te neće biti potrebno da se napravi odlagalište.Takođe izrada elaborata o okolinskoj zaštiti će dati rješenja iz ove oblasti.

Eksploatacija mineralne sirovine će se vršiti otkopavanjima bagerima i buldozerima bez miniranja.Ekološka radna sredina pri eksploataciji ležišta neće biti značajnije ugrožena.

Ekološka devastacija terena je lokalnog karaktera.Po završetku eksploatacije izvršiti će se tehnička i biološka rekultivacija ležišta.Prilikom eksploatacije će se voditi računa da se stvara što manje prašine pri eksploataciji i preradi tehničkog kamena.

Lokacija ležišta je nenaseljena i nema naselja u krugu od cca 1.500 metara i otvorena je malom dužinom lokalnim putem od asfaltnog puta ,čime su stvoreni optimalni uslovi za njegovu eksploataciju.

Ekploatacija mineralnih resursa ima pozitivan uticaj na mogućnost daljnjeg razvoja općine Vareš kao i ostvarivanje prihoda od koncesije te se predlaže Općinskom vijeću da usvoji Zaključak u predloženom obliku.

PREDLAGAČ
OPĆINSKI NAČELNIK
Hamdo Fatić,